

禹

貢

集

釋

禹貢集釋卷之三

淮安山陽丁晏學

導岍及岐至于荆山逾于河

史記作道九山岍作汧漢書同逾作踰

地理志右扶風汧縣自注吳山古文以爲汧山雍州山

今鳳翔府隴州南三里有汧縣故城吳山在州南

美陽自注禹貢岐山在西北

中水鄉周大王所邑左馮翊襄德自注禹貢北條荆山

在南班固三山皆在雍州河謂梁山龍門西河傳自此以

下至敷淺原皆隨山之事

蘇氏導者循行之謂胡渭

周禮職方氏雍州山鎮曰嶽山鄭注嶽吳嶽也在汧

說文汧水出扶風汧縣山部無汧字當从史漢作汧

正義曰馬融王肅皆爲三條導岍北條西傾中條嶓冢南條案地理志亦言南條北條然則三條古文說也又黃庶書說引馬融曰北條行河中條行渭洛濟淮南條行江漢是導水亦分三條也荆卽上荆岐旣旅帝王世紀禹鑄鼎荆山卽此處隋志括地志謂荆山在富平縣今富平縣屬西安府卽漢襄德縣地壺口雷首至于太岳史記作太嶽水注汾雷首山在今山

壺口已見地理志河東郡蒲反自注雷首山在南虢縣自注霍太山在東冀州山班固水經注元和志霍山一名太岳

西蒲州府霍山在今山西霍州

底柱析城至于王屋

地理志河東郡濩澤自注禹貢析城山在西南垣縣自注王屋山在東北班固濩澤縣在今山西澤州府陽城縣

山在縣西南垣縣今山西絳州垣曲縣王屋在今河南懷慶府濟源縣西連麓至山西垣曲也胡渭底柱山在河

東太陽縣東河中水經禹貢山澤地所在太陽縣今山西解州平

陸縣底柱在縣東南五十里胡渭此三山在冀州南河之

北東行傳

太行恒山至于碣石入于海

地理志河內郡山陽自注東太行山在西北

山陽今懷慶府修武

縣

墜王自注太行山在西北

墜王

今懷慶府河內縣

常州郡上曲

陽自注恒山北谷在西北有祠并州山

班固

恒山在今直隸定州曲

陽縣

西北太行山在河內野王西北恒山爲北嶽在中山上

曲陽縣西北

本經禹貢山

水澤地所在此二山延東北接碣石而入

滄海

傳

遡河爲禹渡河入海亦禹涉海也

胡渭

太行列子作太形讀如字亦可陸氏兼存兩音淮南子武王欲築宮於五行山高誘注太行山也河圖括地象太行天下之脊太行連接河北諸州縣亘千有

餘里

西傾朱圉鳥鼠至于太華

地理志天水郡冀縣自注禹貢朱圉山在縣南梧中聚  
師古曰圓讀與圉同水經禹貢山水澤地所在云朱圉  
山在天水北冀城南冀縣今甘肅鞏昌府伏羌縣朱圉山在縣西南地理志京

兆尹華陰自注太華山在南有祠班固太華在今西安府

華陰縣十里卽西岳也胡渭西傾朱圉鳥鼠三者雍州之

南山至于太華相首尾而東傅西傾不言導其文蒙于

導岍也曾氏水經西傾在隴西臨洮縣西南注中條山也

酈道元西傾見前鳥鼠詳後

熊耳外方桐柏至于陪尾

史記作負尾漢書作倍尾顏注倍讀曰陪

地理志宏農郡廬氏自注熊耳山在東今河南陝州盧氏縣南有熊耳山高  
穎川郡密高縣自注武帝置以奉太室山是爲中岳

密高也

南陽郡平氏自注禹貢桐柏大復山在東南淮水

今河南府桐柏縣卽漢平氏地縣西南三十里有桐柏山胡東樵謂胎簪大復皆其支峰江夏

郡安陸自注橫尾山在東北古文以爲倍尾山今湖北安陸縣有橫尾山

德安府在縣北六十里水經熊耳山在宏農廬氏縣東外方

山崧高是也桐柏山在南陽平氏縣東南陪尾山在江

夏安陸縣東北禹貢山水澤地所在四山接華山而相連皆在豫

州界也

正義

案水經洛水東北過宜陽縣南注洛水之北有熊耳山雙巒競舉狀同熊耳此自別山不與禹貢導洛自熊耳同也此宜陽之熊耳與禹貢無涉

又案鄭注亦引地理志陪尾在江夏安陸東北若橫尾者晉地理志江夏郡安陸縣橫尾山在東北古之倍尾山胡東樵引吳澄書纂言謂泗水縣陪尾山毛晃禹貢指南曰博物志泗出陪尾卽斯阜也此自是魯國泗水之所出俗呼媯亭山偶名陪尾非安陸之陪尾山也此解最析東樵失之

導嶓冢至于荆山

嶓冢山在今甘肅秦州西南漢西縣地詳見前地理志梁州

南郡臨沮注禹貢南條荆山在東北

班固漢書臨沮今湖廣

襄陽府南漳縣西八十里有荆山

荆山卽上文荆河惟豫州鄭注所謂荆山也左傳昭四年荆山九州之險也又十二年傳昔我先王熊繹僻在荆山皆此地

內方至于大別

地理志江夏郡竟陵自注章山在東北古文以爲內方山

章山在今湖北安陸府鍾祥縣西南漢竟陵縣地

六安國安豐自注禹貢大別

山在西南

今安徽潁州府霍邱縣西北安豐地縣西南九十里有大別山

一名汝陽山水經

內方山在江夏竟陵縣東北大別山在廬江安豐縣西

南

禹貢山水  
澤地所在

案大別山鄭注亦謂在廬江安豐縣班固酈道元同  
胡東樵據杜預謂大別在江夏不在安豐引元和志  
魯山一名大別山在漢陽縣東北一百步案魯山水  
經江水注所稱古翼際山也唐人妄以爲大別東樵  
从之誤矣

岷山之陽至于衡山

史記岷作汝漢書作岷

地理志長沙國湘南自注禹貢衡山在東南荊州山  
嶺嶠皆南條山故岷山不言導興文蒙于嶓冢也

曾氏

山

過九江至于敷淺原

地理志豫章郡歷陵自注傅易山傅易州在南古文以爲傳淺原師古曰傳讀曰敷易古陽字班水經敷淺原

地在豫章歷陵縣西

禹貢山水澤地所在

漢歷陽今江西九江府

德陽縣博陽山在縣南十二里卽古敷淺原正義引漢志亦作博陽山

朱子九江彭蠡辨以敷淺原爲廬阜蔡傳依師說通雅亦以敷淺原爲廬山今不从

導弱水至于合黎

地理志張掖郡刪丹自注桑欽以爲道弱水自此西至

酒泉合黎

班固

弱水出張掖合黎山名

鄭氏

水經合離山在

酒泉會水縣

西北注合黎山也

禹貢

山水所在導亦循行之

謂與導荷澤之導異

胡渭

今弱水源出甘肅甘州府山丹

縣卽漢張掖也又西北入肅州高臺縣卽漢酒泉地合

黎山在高臺縣北

馬融王肅以合黎爲地名今不取

十六國春秋呂光遣呂纂討段業戰於合離離黎古

通用

餘波入于流沙

地理志張掖郡居延自注居延澤在東北古文以爲流

沙班

水經流沙地在張掖居延縣東北注居延澤在其

縣故城東北尙書所謂流沙者也

禹貢山木澤地所在

居延海卽

居延澤其沙風吹流行故曰流沙

元和志

流沙在今嘉峪

關外索科鄂模以北卽居延澤東至賀蘭山西至廢沙

州界

地理今釋

金氏曰大抵西北之地多是沙磧史書所謂河沙諸國佛書所謂沙界恆河沙是也

流沙卽居延班固鄭康成酈道元並同續郡國志張掖居延屬國居延有居延澤古流沙東樵泥餘波之文謂正流入居延澤其餘波入流沙之地背古文而

荆新說今所不取

導黑水至于三危入于南海

黑水三危已見上

詳見雍州

水經黑水出張掖雞山南流至

敦煌過三危山南流入於南海

正義

張掖記曰黑水出縣

界雞山

太平御覽地部引

南山經灌湘之山又東五百里曰雞

山黑水出焉而南流注於海

山海經

云南海卽居延海

之屬史記大宛傳索隱引太康地記云河北得水爲河

塞外得水爲海故地理志羌谷水亦云北至武威入海

不謂大海也

孫星衍疏案

孫氏說海如青海蒲昌海之海亦

可从

鄭康成地理志益州滇池有黑水祠而不記此山水  
所在地記曰三危山在烏鼠之西南當岷山又在積  
石之西南當黑水祠黑水出其南脇今中國無也漢  
書司馬相如傳注張揖曰三危山在烏鼠山之西與  
岷山相近黑水出其南陂引書導黑水至于三危與  
鄭說同續郡國志隴西郡首陽有烏鼠同穴山渭水  
出注引地道記曰有三危三苗所處並與鄭說同

南海之說書疏謂越河入海張守節以南海爲揚州  
東大海焦竑禹貢解南海交趾二廣之海胡東樵曰  
秦置南海郡番禺其下縣揭陽王莽改曰南海亭蓋

南海自此始韓愈潮州刺史謝上表州南近界漲海連天如東樵之說則南海距張掖黑水絕遠相隔數千里東樵謂水行徼外亦莫知其從何處入南海可爲失笑

黑水諸說不一程大昌謂卽葉榆澤澤在今雲南大理府太和縣東今名西汨河一日汨海蔡傳从之李元陽謂卽瀾滄江江在今雲南麗江府麗江縣西南源出吐蕃地理今釋取之然皆亂說無確據

導河積石至于龍門

積石在隴西河關縣西南

水經禹貢山  
水澤地所在

卽今甘肅蘭州

府河州小積石山龍門已見前

毛晃禹貢指南曰積石本無異說元和志乃有大積石小積石兩山在其西南羌中首受于闐河派而爲之源者爲大積石小積石在河鄯之間玉門陽關之內或謂禹迹不應如是之近當以大積石爲導河之始然江之所導不過岷山未嘗遠入西域河源乃深跨羌戎絕迹之地而不知其流於荒誕不經也萬季野辨積石曰唐置積石軍今臨洮府河州之境禹之導河始於此過此卽爲西域不必導且河不爲患也唐張守節史記正義謂河州有小積石山河源出吐

谷渾界大積石山又東北流至小積石山而夏氏合  
注因之夫言河源者張騫都實二家皆不言經大積  
石不知張氏正義何所據而云然乎且諸書言積石  
者多從無大小之名若以山海經之迤西之積石則  
大積石則其水西流與中國河無豫河但經河州之  
積石無所謂大積石也蔣廷錫地理今釋曰積石山  
在今河州北諸家多以此爲小積石別有大積石去  
此尙千餘里其實禹施功之始卽此積石續漢郡國  
志隴西郡河關縣積石在西南更無所謂大積石也  
案李賢後漢書注杜佑通典蔡傳並謂龍支之小積

石山其說爲允若謂西羌之大積石山今莫能指其山所在且去龍門不下三千餘里中間相距甚遙無是理也

又案漢志於金城河關下積石山在西南羌中河水行塞外東北入塞內或謂班志積石在西羌塞外不謂在河關顏注積石山在河關西羌中是也西域傳云鹽澤水潛行地下出於積石爲中國河河水重源又發於西塞之外出於積石之山山海經曰積石之山其下有石門河水冒以西流禹貢所謂導河自積石也山在西羌之中燒當所居也延熹二年西羌燒

當犯塞段熲追出塞至積石山斬首

同還唐書侯君

集等追吐谷渾王伏允至星宿州又達柏海北望積

石山觀河源之所出此皆西羌塞外之山禹貢之積

石也今甘肅蘭州府河州西北有積石山酈注所云

古唐述山括地志所云小積石山乃塞內之積石較禹所導之處去此絕遠非禹貢之積石也唐魏王泰

曰大積石山在吐谷渾界小積石山在枹罕縣西北

張守節曰河自鹽澤潛行入吐谷渾界大積石山又

東北流至小積石山李吉甫曰河出積石山西南羌

中今人目彼爲大積石此爲小積石閻百詩胡東樵

謂禹所導處爲塞外大積石山至塞內小積石雖河所經非禹所導處大積石今莫知其處洪穉存謂積石山今大雪山在西甯邊外西南五百三十餘里西套厄魯特地今不取

水經注淮南子曰龍門未闢呂梁未鑿河出孟門之上大溢逆流無有邱陵高阜滅之名曰淇水大禹疏通謂之孟門故穆天子傳曰北登孟門九河之際孟門卽龍門之上口也禹貢指南引魏土地記曰梁山北有龍門山大禹所鑿通孟津河口廣八十步巖際鐫迹遺功尚存

漢書司馬遷傳遷生龍門蘇林曰禹所鑿龍門也師  
古曰龍門山其東則在今秦州龍門縣北其西則在  
今同州韓城縣北而河從其中下流通典同州韓城  
絳州龍門二縣有龍門山卽禹所鑿徐堅初學記亦  
指絳州龍門今絳州龍門山與韓城龍門對峙龍門  
一山實兼二處言之而河流其下胡東樵謂禹貢龍  
門在雍域不在冀域專指韓城之龍門失之固矣

案太史公稱禹本紀言河出崑崙崑崙其高二千五  
百餘里爾雅釋水河出崑崙虛色白山海經曰崑崙  
之邱河水出焉又曰不周之山東望渤海河水所潛

也其源洋洋泡泡郭注渤海卽蒲澤一名蒲昌海古今之尋河源者史記大宛傳張騫使西域還爲天子言于寘之西水皆西流注西海其東則東流注鹽澤潛行地下其南則河源出焉鹽澤去長安可五千里漢書西域傳河有兩源一出葱嶺山一出于闐于闐在南山下其河北流與葱嶺河合東注蒲昌海蒲昌海一名鹽澤者也去玉門陽關三百餘里廣袤三百里其水亭居冬夏不增減皆以爲潛行地下南出於積石爲中國河云此漢之尋河源也唐書吐蕃傳長慶元年以大理卿劉元鼎爲吐蕃會盟使由洪濟梁

西南行二千里其南三百里三山中高而四下曰紫  
山直大羊同國古所謂崑崙者也虜曰悶摩黎山東  
距長安五千里河源東北直莫賀延磧尾殆五百里  
磧廣五十里北自沙州西南入吐谷渾寢狹故號磧  
尾隱測其地蓋劍南之西歐陽恣輿地廣記蔡傳皆  
誤劉爲薛元史亦作薛非此唐之尋河源也元史地  
理志河源附錄至元十七年命都實爲招討使求河  
源四閱月始抵河源按河源在土蕃朵甘思西鄙有  
泉百餘泓方可七八十里燦若列星名火敦腦兒火  
敦譯言星宿也滙二巨澤名阿刺腦兒自西而東行

一日迤邐東驚成川號赤賓河又二三日水西南來  
名亦里赤與赤賓河合又三四日水南來名忽闌又  
水東南來名也里朮合流入赤賓其流浸大始名黃  
河然水猶清又一二日岐爲八九股名也孫幹倫譯  
言九渡又四五日水渾濁朵甘思東北有大雪山名  
亦耳麻不莫刺其山最高譯言騰乞里塔卽崑崙也  
潘昂霄從都實弟闢闢得其說撰河源志臨川朱思  
本又從八里吉思家得帝師所藏梵字圖書譯之此  
元之尋河源也明洪武十一年太祖命僧宗泐往西  
番求經泐有望河源詩自記云河源出自抹必力赤

巴山番人呼黃河爲抹處犧牛河爲必力處赤巴者  
分界也其山西南所出之水則流入犧牛河東北之  
水是爲河源其源東抵崑崙可七八百里今所涉處  
尙三百餘里下與崑崙之水合流中國相傳以爲源  
自崑崙非也崑崙名麻琫刺其山最高四時常雪有  
神居之此明之尋河源也地理今釋謂河出今西番  
巴顏喀拉山東合鄂敦搭拉諸泉源鄂敦卽星宿元  
史訛譯爲火敦漢人不通蒙古語也星宿海之西南  
有一河名阿勒坦郭勒河勒坦者黃金也郭勒者河  
也此係黃河之源其水已黃至阿勒坦郭勒之西有

巨石名阿勒坦噶達素齊老上有天池則尤黃河之上源也崑崙在今同部中同部諸水皆東注蒲昌海卽鹽澤則張騫所尋河源近是但未探至天池耳

南至于華陰

河自龍門南流至華山北而東流傳河自龍門口又二百里至陝州之西北對河爲華州華陰縣易氏華陰華山之北

蔡傳

東至于底柱

史記作砥柱

砥柱山名也昔禹治淇水山陵當水者鑿之故破山以通河三穿既決水流疎分指狀表目亦謂之三門矣水經

注底柱山俗名三門山在陘石縣東北五十里黃河中  
元和志底柱已見前今河南陝州東北四十里黃河中流  
有底柱山與解州平陸縣接界蓋一山而跨兩地也

薛綜注東京賦云底柱山名也在河東縣東南向居  
河中猶柱然也漢溝洫志武帝時河東守番係言漕  
更底柱之難敗亡甚多成帝鴻嘉四年從楊焉言鑄  
廣柱底水益湍怒爲害甚於故隋開皇十五年詔鑿  
底柱大業七年底柱崩偃河逆流數十里唐貞觀二  
十年幸河北觀底柱令魏徵勒銘開元二十九年陝  
州刺史李齊物鑿底柱爲門以通漕宋乾德初詔重

鑿底柱三門底柱之險不減於龍門酈氏所謂破害舟船自古爲患者也

溝洫志賈讓策大禹治水析底柱破碣石師古曰析分也

又東至于孟津

史漢並作盟津

在孟地置津謂之孟津杜預曰孟津河內河陽縣南孟津也古今常以爲津武王渡之正義孟津今在河南懷慶府孟縣南十八里

左傳隱十二年王與鄭田有盟卽盟津盟孟聲相近晉杜預造浮橋於富平津卽孟津也

東過洛汭至于大伾

史記作邳

洛汭洛入河處河南鞏縣東也鄭元云大伾在修武武德之界張揖曰成皋縣山也

正義大邳地在河南成皋縣

北水經禹貢山  
水澤地所在今開封府汜水縣有成皋故城大伾山在縣西北一里

書序太康失邦昆弟五人須於洛汭召誥曰太保乃以庶殷攻位于洛汭左傳昭元年天王使劉定公勞趙孟於潁館於雒汭杜預曰雒汭在河南鞏縣南水曲流爲汭酈道元曰洛汭卽什谷張儀說秦曰塞什谷之口史記音義鞏縣有鄆谷水漢志顏注謂今洛

口皆一水也

水經河水又東過成臯縣北注云河水又東逕成臯大伾山下爾雅云山一成謂之伾許慎呂忱等並以爲邱一成也今說文作邱再成蓋後人據僞孔傳妄改非許君原本也當以酈注引爲是

孔安國以爲再成曰伾亦或以爲地名非也尙書禹貢曰過洛汭至大伾者也鄭康成曰地喉也沇出伾際矣在河內修武武德之界濟沇之水與滎播澤出入自此然則大伾卽是山矣案大伾在成臯說文作伾字从土薛瓚注漢書誤以黎陽山當之黎陽石山甚高且大非一成之伾明矣隋地理志括地志書正

義史記正義杜氏通典蔡傳程大昌圖並沿薛氏之誤唐洪經論刻石黎陽名爲大伾皆後人附說不足據顏監地理志注謂大伾山在成臯溝洫志注引鄭氏曰山一成爲伾張晏曰成臯縣山也復又引臣瓊說今黎陽山臨河豈是乎則騎牆之見矣胡東樵亦以黎陽爲大伾誤甚

北過降水至于大陸

地理志上黨屯留縣自注桑欽言絳水出西南東入海  
班固水經濁漳水注絳水發源屯留下亂漳津是乃與漳俱得通稱酈道元降水一名濁漳水毛晃河渠書云北載之

高地通降水至于大陸水經所敘漳水自平恩以下皆禹河之故道河自斥漳酈注斥漳引書至于衡又東北逕平恩曲周過鹿鹿縣其西畔卽大陸也胡渭大陸已見前屯留今

山西省潞安府屯留縣絳水源出縣西南八十里盤秀山陰東北流至潞城縣入漳

又按地理志信都國注故章河案章卽漳也皆在北東入海禹貢絳水亦入海水經濁漳水注漳水自南宮縣故城西又北絳瀆出焉今無水絳瀆又北逕信都城東散入澤渚西至於信都城東連於廣川縣之張甲故瀆同歸於海通典清河郡經城縣界有枯洚

渠北入信都郡界元和志絳水故瀆在南宮縣東南六里今直隸冀州南宮縣卽漢信都國絳水故道所經酈注以濁漳水卽絳瀆水發源屯留流入信都正與班志合

又案康成不从班志絳水在信都謂降作絳字非也鄭意降聲轉爲共卽河內共北山淇水考水經淇水注清河又東北左與張甲屯留絳故瀆合是淇水亦與故絳瀆合也今不从

又北播爲九河

北分爲九河以殺其溢在兗州界

傳

播布也

顏師古

黃河

自鞏洛以東已出險就平大伾以北地勢益廣衍大陸則又鍾水之區也乘建瓴之勢注沮洳之鄉奔騰橫溢必不能免禹因而疏之順其性之所便從其地之所近而九河以名此在海洞之際最爲當機而扼要也

顧景范

鄭注播散也說文播布也顏注所本今从之

同爲逆河入于海

同合爲一大河逆河而入于渤海

傳

下尾合名爲逆河

言相向迎受

鄭康成

逆迎也言海口有朝夕潮以迎河水

徐堅逆河卽渤海也

蘇氏

逆河之地比九河又特窪下故九

水傾注世謂之渤海者也

程氏

逆河碣石今皆淪於海

黃氏

渤海故逆河後爲海所漸經所謂海乃東海在碣石之

東胡渭

河渠書溝洫志皆作同爲迎河入於渤海地理志渤海郡莽曰迎河南皮縣莽曰迎河亭志稱河至章武入海章武屬渤海郡今直隸滄州水經注云河之入海舊在碣石今川流所導非禹瀆也漢志臣瓊注以爲河入海乃在碣石武帝元光二年河移徙東郡更注渤海禹時不注也今考渤海卽逆河之故道王橫所謂九河之地爲海所漸河自章武東出爲逆河逕驪成至桑縣碣石山入海過右北平遼西二郡行三

百餘里禹之故跡也

嶓冢導漾東流爲漢

史記漾作瀆說文漾古文作瀆漢志作養省水旁

地理志隴西郡氐道自注禹貢養水所出至武都爲漢

西縣自注禹貢嶓冢山西漢所出南入廣漢白水東南

至江州入江武都郡武都自注東漢水受氐道水一名

汙過江夏謂之夏水

班固水經漾水出隴西氐道縣嶓冢

東至武陽沮縣爲漢水注常璩華陽國志漢水有二源

東源出武都氐道縣漾山爲漾水西源出隴西西縣嶓

冢山會白水逕葭萌入漢始源曰汙污水出東狼谷逕

沮縣入漢漢中記曰嶓冢以東水皆東流嶓冢以西水

皆西流故俗以嶓冢爲分水嶺酈道元今嶓冢山在甘肅秦州西南卽漢隴西地甘肅西地甘肅鞏昌府威縣西北又有漢武都故城

案地志水經皆謂東漢西漢同出嶓冢西漢水出嶓冢之西漾水出嶓冢之東爲東漢水卽沮水也與氐道漾水合流又稱沔水班志於氐道下雖不言出嶓冢然氐道西縣同屬隴西相距甚近酈注及山海經郭注皆言嶓冢在武都氐道縣南蓋山勢縣亘氐道亦有嶓冢甚明志文互見不重出也胡氏雖指誤以甯羌州北之山指爲嶓冢不知東漢水卽沮水並不

經其地其誣甚矣反詆漢志之誤於氐道水則存而不論自謂理亂絲解連環不已慎乎

說文漾水出隴西山道東至武都爲漢水經注引許慎呂忱並言漾水出獮道中然獮道在冀之西北今不取

又東爲滄浪之水

水經汙水過武當縣注云縣西北四十里漢水中有滄浪洲漁父歌曰滄浪之水清兮蓋漢汙水自下有滄浪通稱耳酈道元均州武當縣有滄浪水史記正義引括地志南都賦流滄浪而爲隍廓方城而爲墉李善注引左氏傳方城

以爲城漢水以爲池則是滄浪卽漢水也

林氏

今湖北襄

陽府均州西北有滄浪洲

鄭氏以滄浪水爲夏水劉澄之永初山川記夏水古文以爲滄浪酈注駁之今不取

過三澨至于大別南入于江

三澨水名

馬融鄭康成王肅等

埤增水邊土人所止者

說文

三澨地

在南郡鄖縣北沱注地說曰汎水東行過三澨合流觸

大別山阪

水經禹貢山澤地所在

汎水南至江夏沙羨縣北南入

于江

水注

鄖縣漢志注鄖音忌今湖北宜城縣東北

有鄖縣故城沙羨在今湖北嘉魚縣東北大別已見前

鄭注謂三澨在江夏竟陵界胡東樵謂三澨在清水入漢處一在襄城北卽大堤一在樊城南一在三江口東皆襄陽縣地在卽縣之北言在竟陵者非是然酈注於三澨已謂論者疑焉不能辨其所在東樵亦訛說也

左傳楚有句澨漳澨雍澨薳澨京相璠杜預亦云水際及邊地名水經濟水之濱有南澨北澨未知三澨何屬漢志言沮水南至沙羨南入江沮水卽東漢水也

東滙澤爲彭蠡東爲北江入于海

滙回也漢與江鬪轉東成其澤矣成鄭康沔水與江合流

又東過彭蠡澤又云東至石城縣分爲二其一東北流

其一又過毘陵縣北爲北江水經會稽毘陵江在北東入

海地理志敘江漢皆言東者主岷嶓居西而云非指曲折

所向爲文也黃潤玉江之入海實兼漢水漢分江爲北江

入海吳氏彭蠡已見前

彭蠡卽鄱陽湖蔡傳以爲巢湖復自疑其說而以鄱

陽爲信鄭漁仲謂此十三字衍文朱子取之今不从

岷山導江東別爲沱史記岷作沫說文作同醫嶓並同

說文醫山在蜀湔氐西徼外江水出蜀湔氐徼外嶓山

入海許  
漢自江水溢出別爲支派者皆名爲沱梁荆二州皆有之也林氏岷沱互詳見前

華陽國志嶧山一名沃焦山其跗曰羊膊江水所出李膺益州記羊膊嶺水分二派一東南流爲大江一西南流爲大渡河金仁山書注岷山數百峰大西山爲最大雪山三峯鬪其後冬夏如爛銀一谷名鐵豹嶺者有西岳廟廟下名羊膊石江水正源也其西南分一源又爲大渡河矣今岷山在四川松潘廳西北

生番界

又東至于澧史記作醴

澧水名

馬融

地理志武陵郡充縣自注厯山澧水所出東

至下雋入沅

班固

澧水東至長沙下雋縣西北東入於江

江水又東至長沙下雋縣北澧水沅水資水合東流注

之

水經

楚辭云濯余佩兮澧浦是澧水名也

正義

今湖北通

城縣有下雋故城湖南澧州安福縣西有厯山卽志云

澧水所出也

鄭君謂醴陵名大阜曰陵長沙有醴陵縣其以陵爲  
名乎今不从

過九江至于東陵

地理志廬江郡自注金蘭西北有東陵鄉

班固

東陵在廬

江金蘭縣西北

水經禹貢山  
水澤地所在

水經江水云又東過下雉

縣北利水從東陵西南注之注云水出廬江郡之東陵

鄉江夏有西陵縣故是言東矣

水經江  
水注

此經自導弱水

已下其言過言會者皆是水名言至于者或山或澤皆

非水名

鄭氏

水經決水注灌水導源廬江金蘭縣西北東陵鄉大

蘇山錢氏站謂大蘇山卽東陵在今河南固始縣南

宋胡氏旦晁氏說之曾彥和蔡九皋皆以九江爲洞

庭東陵爲巴陵東樵亦从巴陵之說今不取

東迤北會于匯

迫袤行也

說文

迫靡也

馬融

迫言靡邪出之

正義

北會爲彭蠡

傳匯者彭蠡之澤也

不言會于彭蠡者蒙上東匯澤爲

林氏

漢至彭蠡大

彭蠡之文且見其與漢水共注此澤也

林氏

漢至彭蠡大

勢皆東江至彭蠡則東且迫北矣北會于匯言與漢所

匯之彭蠡會也

胡渭

東爲中江入于海

中江在丹陽蕪湖縣西南東至會稽陽羨縣入海

水經禹貢

山水澤地所在

導沈水東流爲濟入于河

地理志沈水出河東東垣王屋山東至河內武德入河

鄭氏濟水出東垣縣東王屋山爲沈水又東至溫縣西北

爲濟水

水經

武德故城在武陟縣東黃河在縣南濟水源

出懷慶府濟源縣西王屋山東流逕縣北溫縣故城在

今懷慶府溫縣

山海經王屋之山澦水出焉郭注澦沈聲相近卽沈水也風俗通謂濟出常山房子縣贊皇山此別一濟水與禹貢無涉漢志分爲二水最析

溢爲榮

漢書作軼師古曰軼與溢同

地理志河東郡垣縣自注禹貢王屋山在東北沈水所出東南至武德入河軼出榮陽北地中班固濟旣入河其

伏者潛行地下絕河而南溢爲滎澤溢者言如井泉自中而滿

吳澄

滎已見豫州

說文溢器滿也滎絕小水也溢如滿溢之溢絕謂絕流復見也

錐指引水經濟水又東至北礫溪南東出過滎陽北東樵云北礫溪未詳案溝洫志顏注引水經沛水東過礫溪本無北字後人妄加而東樵不能辨也又引水經濟水又東逕滎陽縣北又東南礫石溪水注之東樵云石字衍上有北礫溪故此爲南礫溪案酈注下云世謂之礫石澗則石字非衍明矣經言礫溪皆

于滎陽明是一水東樵誤爲二水其訛甚矣

東出于陶邱北又東至于菏

地理志濟陰郡定陶自注禹貢陶邱在西南陶邱亭班固

濟水自定陶故城南又東北又合菏水又東逕陶邱北

菏水東北出于定陶縣北屈左合汎水汎水又東合于

菏瀆水經濟釋邱曰再成曰陶邱李巡曰再成其形再

重也郭璞曰今濟陰定陶城中有陶邱正義漢志濟陰郡

下荷澤在定陶東唐省定陶入濟陰故通典濟陰縣下

云菏縣澤在縣東北九十里

胡渭

今山東曹州府定陶縣

西南七里有陶邱墨子所謂釜邱也荷澤亦在縣北荷

澤已見前

又東北會于汶

地理志泰山郡萊蕪自注禹貢汶水出西南入泲班固水經注濟水至乘氏縣西分爲二南爲菏水北爲濟瀆濟水故瀆又北右合淇水又東北過壽張縣西界安民縣南汶水從東北來注之戴延之所請清口也酈道元

又北東入于海

史記作東北

又東北會于汶當于東字一讀又北東入于海當于北字一讀秦繼宗地理志濟水自滎陽東至琅槐入海今青州府樂安縣東北一百十里有琅槐故城漢縣屬于乘

郡湖濟水卽今小清河也其大清河則兼行河瀨二瀆  
齊乘謂大清河爲古濟水小清河謂劉豫所創非也青  
子

鴻

導淮自桐柏

地理志南陽郡平氏自注禹貢桐柏大復山在東南淮  
水所出東南至淮陵入海過郡四行三千二百四十里

班固淮水出南陽平氏縣胎簪山東北過桐柏山水經胎簪

蓋桐柏之旁小山正義胎簪山卽桐柏也後世又別名之

耳傳寅今湖南南陽府桐柏縣西南三十里有桐柏山

案班志自注淮水至淮陵入海胡東樵謂淮陵乃淮

陰之訛案淮陵當作淮浦班志臨淮郡淮浦自注游  
水北入海酈注淮水支分爲游水以志後注淮浦入  
海證之則知前注作淮浦入海不作淮陵也水經淮  
水又東至廣陵淮浦縣入于海正與班志合淮浦故  
城在今淮安府安東縣西東樵謂淮陰之訛非也

東會于泗沂東入于海

與泗沂二水合入海

傳

沂水又南過下邳縣西南入于

泗淮水又東至下邳淮陰縣泗水從西北來流注之又  
東至廣陵淮浦縣入于海

水經

沂入于泗泗入于淮此言  
會者以二水相敵故也入海在今淮浦

蔡傳

地理志

導渭自鳥鼠同穴

隴西首陽縣自注禹貢鳥鼠同穴山在西南渭水所出班固水經注渭水出隴西首陽縣渭谷亭南鳥鼠山東南流逕其縣南酈道元今甘肅蘭州府渭源縣西有

鳥鼠山

爾雅釋鳥鳥鼠同穴其鳥爲鶡其鼠爲駭郭注孔氏尚書傳曰共爲雄雌張氏地理記云不爲牝牡水經注引張晏云不相爲牝牡卽郭注所稱張氏也鄭康成曰鳥似鶡而黃黑色鼠如家鼠而短尾穿地而共處鼠內而鳥外書疏引李巡曰鳥鼠共處一穴天性

也宋書吐谷渾傳沙州甘谷嶺北有雀鼠同穴雀色  
白鼠色黃洛陽伽藍記赤嶺有鳥鼠同穴異種共類  
烏雄鼠雌共爲陰陽杜寶大業雜記大業三年隴西  
郡守獻同穴鳥鼠元和志同穴鳥如家雀色小青其  
鼠如家鼠色小黃岳正類博稿鳥鼠同穴予戌甘時  
過莊浪親見之甘肅鎮志涼州有鳥曰本周兒者常  
與兀兒鼠同穴而處亦可見其實有是事矣

林少穎謂渭水出首陽南谷蔡傳從之東樵謂南谷  
卽鳥鼠之支峯後人別爲之名耳此與言淮出胎簪  
不出桐柏洛出冢嶺不出熊耳者皆妄也

案鄭注以鳥鼠之山同穴之山爲二山水經注引地說曰鳥鼠者同穴之枝幹也按鳥鼠同穴明是一山上文從省曰鳥鼠此則全舉山名也解爲二山失之東會于灤又東會于涇又東過漆沮

灤水自南涇水自北而合渭漆沮二水名亦曰洛水出馮翊北傳灤涇漆沮並見雍州

入于河

地理志渭水至船司空入河

班固

案京兆尹有船司空服虔曰縣名今西安府華陰縣東北五十里有船司空故城

導洛自熊耳

地理志宏農郡盧氏自注熊耳山在東伊水出東北入洛上雒自注禹貢雒水出冢嶺山東北至鞏入河熊耳獲興山在東北班固上洛亦有熊耳與冢嶺同在一縣則洛出熊耳明矣王樵熊耳山自上洛以至盧氏縣亘二百餘里洛水出上雒伊水出盧氏總屬禹貢之熊耳胡渭今

陝州高州亦有熊耳山接河南府盧氏縣界地理今釋謂熊耳雖有東西異名其實一山商州卽漢上雒地今州西北有冢嶺山

案禹貢洛水有二一導洛出土雒伊洛洛汭皆此水

卽職方氏豫州其州榮雒也一漆沮洛水卽職方氏雍州其浸渭洛鄭注謂洛出懷德是也

又東會于澗瀍

澗水出新安縣南白石山東南入于洛瀍水東過偃師縣又東入于洛水經伊洛瀍澗互詳見前

又東會于伊

洛水東過洛陽縣南伊水從西來注之水經

又東北入于河

洛水過鞏縣東又北入于河山海經曰洛水成泉西入

河謂之洛汭卽什谷也

水經注

鞏縣洛水東經洛汭北對

琅邪渚入河謂之洛口

元和志

鞏故城在今河南鞏縣西

南二十餘里

九州攸同

漢志作迺

所同事在下傳禹貢冀州以下列敘九州之疆界自九  
州攸同以下又所以同之也奇林之

四隩既宅

史記隩作奧

四方之宅已可居傳四方之隩皆可奠居非特充之降  
邱宅土雍之三危既宅而已謂胡

案周語云宅居九隩注隩內也九州之內皆可宅居也  
說文隩四方土可居也隩隩音義同古文省作奧東樵

依蔡傳訓與爲限今所不取

九山刊旅

漢志刊作采

九州名山已槎木通道而旅祭矣

傳九山不特蔡蒙旅

平荆岐旣旅而已

鄭曉

案史記索隱釋道九山曰汧壺口底柱大行西傾熊  
耳嶓冢內方汶與岷是九山也然禹之時導自汧至  
敷淺原凡二十七九山謂九州之山也

九川滌源

史記作原

九州之川已滌除泉源無壅塞矣

傳

九州之川不曰通流而曰滌源者此所謂決九川澑畎澗距川則田里無

壅塞之患也

金履祥

史記索隱釋道九川曰弱黑水濱

同江沈淮渭洛爲

九川案九川亦謂九州之川也

九澤既陂

九州之澤已陂障無決溢矣

傳往前溢溢今時水定或

作陂以障之

正義

九澤不特雷夏既澤而已

鄭曉

案陂必有水門以時蓄泄孫叔敖芍陂有五門召信

臣盧陂有六門皆古法也

四海會同

四海之內會同京師

傳

夷狄戎蠻謂之四海

正義

洪水氾

濫于天下四方道路遏絕而不通至於禹治九州功卑  
皆有達于帝都之道此四海之所以會同也林之奇

六府孔修

史記作甚修

晉郤缺曰水火金木土穀謂之六府

左氏文七年傳甚修治

傳

六府無廢財貢賦之法於是而立

葉夢得

庶土交正底慎財賦

史記庶作衆底作致

衆土美惡及高下得其正亦致其貢篚慎奉其財物之  
稅皆法制定而入之也鄭康交土也衆土俱得其正謂  
壤墳壚致所慎者財貨賦言取之有節不過度

傳

咸則三壤成賦中邦

史記作中國

三壤上中下各三等也

鄭康成

九州各則其壤之高下以

制國用爲賦入之多少中邦諸夏也貢篚有及於四夷

者而賦止及於諸夏也

蘇軾

中邦謂甸侯綏三服

胡渭

錫土姓祇台德先不距朕行

天子建其國諸侯胙之土賜之姓命之氏其敬悅天子之德既先又不距違我天子政教所行

鄭康成

錫土姓者

封建諸侯而成五服也

林奇之

案鄭氏讀台爲怡悅之台書傳云台載也常自以敬

我德爲先則天下無距違我行者王氏炎謂台朕皆禹自言指台朕爲堯舜非經意也蔡傳亦以台爲我今

不从

五百里甸服

史記令天子之國以外五百里甸服

規方千里之內謂之甸服

傳

言甸者主治田故服名甸

也

正義

五千里之內皆供王事故通謂之服而甸服則主

爲天子治田出穀者也

胡渭

百里賦納總二百里納銍三百里納秸服

總謂入刈禾也銍斷去藁也秸又去穎也

鄭注禾藁曰總入之供飼國馬周禮掌客有芻有禾此總是也禾穗用

銍以刈故以銍表禾穗也秸亦藁也去穗送藁易於送

穂故爲遠彌輕也納粟之外斟酌納藁於此言服明上

下服皆並有所納之役也四百里猶尙納粟此當橐粟  
別納非是徒納橐也正義總者禾之全體鋗去其本稈又  
去其穗胡渭

禮器鄭注穗去實曰穀引禹貢三百里納穀服書釋  
文穀本或作稽穀穀稽三形同

四百里粟五百里米

四百里入粟五百里入米者遠彌輕也

鄭康成注直納粟米

爲少禾藁俱送爲多遠輕而近重耳

正義粟穀也有穀曰

粟無曰米

呂氏胡渭

粟宜於藏米不可久

胡渭

五百里侯服

史記匈奴外五百里侯服

侯服侯國之服

蔡

五等邦君皆謂之侯

胡渭

百里采二百里男邦三百里諸侯

史記男邦作任國

采事也各受王者事

馬融

男任也任王者事

傳

案蘇氏說采爲采地今不取

五百里綏服

史記侯服外五百里綏服

綏安也

傳

諸侯所以安王室者卽下文二事是也

胡渭

三百里授文教二百里奮武衛

揆度文教而行之

傳

畜武以衛天子

正義

一百里奮武衛

者以近蠻夷故也

王氏

五百里要服

史記

綏服外五百里要服

要者約束之意

正義

三百里夷二百里蔡

夷易也蔡法也守王者刑法而已

馬融

左氏傳蔡蔡叔注

蔡放也

林奇

要服皆已蠻夷然猶近中國故爲之要納

而已不一一治之也

呂祖謙

鄭君謂蔡之言殺說文作斃繫斃散之也左傳釋文  
蔡音素達反

五百里荒服

史記要服外五百荒服

政教荒忽因其故俗而治之

馬融

三百里蠻二百里流

蠻慢也禮簡怠慢來不距去不禁流行無城郭常居

馬

案今尙書歐陽夏侯說中國方五千里古尙書說五

服方五千里相距萬里鄭注謂堯之時土廣五千里

禹弼成五服爲方萬里

又案傳疏謂流移無常鄭氏王制法亦訓流移東樵

訓爲放流失之

東漸于海西被于流沙朔南海聲教訖于四海

漸入也被及也

傳

朔北方也南北不言所至容踰之

鄭康

成青徐之境東海也雍州之界抵于流沙

林奇

禹錫口圭告厥成功

史記帝錫禹元圭以告成功於天下

堯賜元圭以彰顯之言天功成

傳

御覽皇王部引尚書旋機鈐以元圭出爲天錫瑞應  
王氏又謂錫與師錫納錫同義蔡傳禹以元圭爲寶  
告成功於舜水色黑故圭以元云今皆不从

禹貢蔡傳正誤

說禹貢者馬班尙已漢京授受之學師法遞傳鄭君依孟堅之志古注相承此高曾之規矩也後魏酈注溯源原地志小有差互至僞孔傳好違鄭義其說多岐唐孔氏因傳作疏無所是正迨宋之釋禹貢者輿地之學甚疎昧古義而競新說而蔡傳訛誤尤甚今試覈而舉之治梁及岐傳當依漢志梁山在左馮翊夏陽岐山在右扶風美陽西北蔡依晁以道狐岐之說誤也此傳言古胡逕書傳會選本不誤坊刻作古河逕尤誤也太原傳汾水東入于河案漢志太原郡汾水西南至汾陰入河蔡氏言東誤也大陸旣作

卽爾雅晉有大陸班志大陸澤在鉅鹿蔡依程大昌廣平  
曰陸之說誤也又引程說過信澤之北書傳旁通謂程氏  
原文澤上當補都古二字蔡傳稱唐陸渾縣當作陸澤縣  
坊刻作陸渾尤誤也碣石傳引地志驪城縣坊刻作驪成  
亦誤九河簡潔爲二爾雅鄗璞孫炎注並同蔡依曾氏說  
以簡潔爲一河誤也爾雅作簡絜又誤加水旁蔡此傳引  
許商云在平城馬頰河漢志作成平傳誤倒又加土旁雷  
夏旣澤卽舜漁雷澤之地蔡引地志成陽縣誤作城又引  
山海經澤中有雷神龍身人頰怪妄之說不可以釋經也  
濱沮傳東至蒙爲徂櫩乃濱獲之訛水經有濱水獲水無

所謂徂櫩也蔡依晁以道沮澨之說亦誤漂水卽說文澨  
水出東郡東武陽與班志合蔡引程傳以爲未詳何也澨  
淄其道傳北至都昌入海班志作昌都此又誤倒淮沂其  
父傳沂水出太山武陽坊刻作太公尤誤元刻本不誤草  
本漸包傳叢生而積當作而稹鄒氏音釋云稹止忍反物  
叢緻也泗濱浮磬傳今下邳有石磬山當作磬石山音釋  
本不誤浮于淮達于河說文作菏程大昌據以正經文作  
河之誤蔡傳多依程說而此傳不从何也三江蔡傳不依  
班志又引唐仲初吳都賦注唐乃庾之訛吳又揚之訛也  
九江傳亦不依班志而誤從胡旦洞庭之說又引漸水元

水元又无之訛也雲夢本一澤沈括謂舊尙書作雲夢與漢志合蔡傳分爲二澤非也羽毛傳引漢孔氏善者爲先乃唐孔氏之誤鎔楷傳引董安于荻蒿苦楚廩之國策原文作廩之廩廩形之訛灑澗傳替亭北音釋作贊亭不誤榮波本一澤播水在榮陽蔡分爲二澤非也墳壚傳引顏氏曰乃顧氏之訛此顧臨說也嶧嶓旣藝班志在隴西郡西縣蔡謂漢中之西縣非也璆鐵銀鏤砮磬蔡以爲玉磬爾雅云璆瑊美玉也無有言爲磬者鄭釋爲金與鐵一類且本文下既有磬不應重舉蔡釋爲磬非也西傾傳引南厯岡北水經原文作岡穴北乃穴之訛也弱水漢志在張

掖蔡傳引柳州說不能負芥遠在絕域非禹迹之弱水也  
漆水荆岐傳引地志扶風馮翊當作右扶風左馮翊刪去  
二字與漢制不符豬野傳古今以爲豬野當作古文此或  
坊刻之訛也昆侖亦不依漢志蔡謂卽河源所出非也導  
汧傳引晁氏今之灘山當作隴山音釋本不誤導漾傳會  
泉始源曰汙逕葭萌入漢秦水經注會白水逕葭萌入漢  
始源曰汙蔡引誤倒又合白水爲泉字尤誤烏單傳見荆  
州係雍州之誤荆山傳今南章縣係南漳之誤敷淺源蔡  
傳亦不依班志水經而以麅阜當之非也傳又引傅易山  
乃傅易之誤北過洚水唐石經宋臨安石經皆作降水蔡

作滻誤大伾亦不依班志水經而以黎陽當之非也導河傳莫賀延積尾曰閼磨黎山當作延磧音釋本不誤三遼傳引遼瀝左傳原文作遼瀝字誤从竹又云入江在今通州靜海縣當爲入海之誤東陵亦不依班志而以巴陵當之非也鳥鼠同穴見於爾雅蔡以同穴爲山名而以爲不足信過矣傳又引地志此據水經注地說非地志也夫輿地之學徵實之學也確有憑依非可混造愚爲集釋尋繹舊說明其指要不敢逞其私言史公受學安國多識古文班氏采獲舊聞具見圖籍兼資鄭義酈注上泝本源而無取後來之紛擾又慨夫世之讀蔡傳者習故蹈常茫然如

墮雲霧故貢其一得之愚以諗後人此則區區之苦心願與學者共證之也

同治二年夏五月丁晏識時年七十

禹貢錐指正誤

古今之說禹貢者無慮數十家其專釋是書今世所存者通志堂刊本有程大昌傅寅之書又有毛晃指南從永樂大典抄出非足本也明茅瑞徵之匯疏夏允彝之合註採摭頗富自東樵胡氏錐指出雅才好博綜貫無遺用功勤而收名遠學者家置一編奉爲質的自是言禹貢者掇棄諸家而定東樵之一尊後儒晚學莫之敢議也余於東樵書繆繹有年於其銳志精覃處未嘗不心折歎服而其討論之疎援据之舛亦不敢回穴依阿以滋後學之惑夫禹貢水道之大者莫如三江九江錐指於三江取蘇子瞻說

復引鄭康成注左合漢爲北江會彭蠡爲南江岷江居其中則爲中江以證蘇說之確案此非鄭注也東樵所引鄭說本徐堅初學記引鄭元孔安國注今考正義引鄭云三江分於彭蠡爲三孔東入海是鄭意江分彭蠡爲三與初學記所引不合則知徐堅所引非鄭君之注也又三江孔傳云三江已入致定爲震澤北江孔傳自彭蠡江分爲三入震澤亦與初學記所引不合然則徐堅所引非鄭注并非孔注也惟導江孔傳云有北有中南可知疏又引鄭云東也者爲南江徐堅因此造爲北江中江南江之說緣飾已意冠以先儒之名類書中往往有之東樵据初學記而

不考正義以爲鄭注此誤之甚者也且三江莫確於班志  
於會稽郡吳下南江在南東入海毗陵下江在北東入海  
丹陽郡蕪湖下中江出西南東至陽羨入海水經禹貢山  
水澤地所在篇中江北江並同班說汎水注引地理志江  
水自石城東逕吳國南爲南江案地志於石城下吳下江  
水入海分爲二道元融貫爲一蓋以石城爲南江之始吳  
縣爲南江之委正與班氏相證明也司馬彪續郡國志盛  
宏之荊州記徐鍇說文繫傳悉依班志不獨唐孔氏正義  
也東樵獨取鄭說即使真出康成亦未見其有當況非康  
成注乎雖指於九江主洞庭之說東樵旣知洞庭說自宋

初胡旦始則宋以前無是說矣東樵又引山海經江淵澧沅之風交瀟湘之淵是在九江之間以爲九江在洞庭之證然山海經此注謂潯陽九江引書九江孔殷則非洞庭明矣太史公不敢言山海經東樵取以證經可乎東樵又引水經九江在長沙下雋西北全謝山校正水經謂長沙下雋之說非水經之本文乃後世所竄入也且水經江水篇缺佚不完淮水注秦立九江郡治壽春縣兼得廬江豫章之地故以九江名郡是卽尋陽之九江矣史記河渠書余南登廬山觀禹疏九江太史公從孔安國問古文以九江近廬山則爲尋陽之九江無疑班志廬江郡尋陽自注

禹貢九江在南皆東合爲大江應劭注云江自潯陽分爲九道鄭康成孔穎達並依地理志司馬彪續志杜佑通典亦同東樵不取漢唐相傳之古義而取宋人之訛說誤矣雖指旣取九江洞庭之說而於過九江至於東陵亦取宋人說以東陵爲巴陵案班志廬江郡自注金蘭西北有東陵鄉水經釋禹貢東陵同決水注灌水導源廬江金蘭縣西北東陵鄉大蘇山錢氏坫謂大蘇山卽東陵是也而東樵以巴陵當之又誤雖指於嶓冢謂宜羨州西北之嶓冢東流爲漢水案班志隴西郡西下禹貢嶓冢山西漢所出氐道下禹貢養水所出至武都爲漢武都郡武都下東漢

水受氏道水一名沔水經禹貢篇云嶓冢山在隴西氐道縣之南今甘肅秦州卽漢隴西地嶓冢山在秦州西南是禹貢之嶓冢也東西漢同出嶓冢西漢水出嶓冢之西東漢水出嶓冢之東卽沮水也與氐道漾水合流又稱沔水漢志於氐道下雖不言出嶓冢然氐道西縣俱屬隴西郡相距甚近酈注及山海經郭注皆言嶓冢在武都氐道縣南蓋山勢綿亘氐道亦得有嶓冢甚明志文互見不重出也東樵沿後魏地志之誤以岷羌州之嶓冢爲東漢水之源不知岷羌州爲漢葭萌縣地水經漾水西源出西縣逕葭萌入漢寔爲西漢水所經至東漢水卽沮水並不經岷

羌之地其謬甚矣東樵反詆漢志之誤於氐道水則存而不論自謂理亂絲解連環不已慎乎錐指於積石謂西羌塞外大積石山去小積石千餘里去龍門應三千餘里案漢志金城河關下積石山在西南羌中續郡國志隴西河關縣積石在西南水經禹貢篇云積石在隴西河關縣西南卽今甘肅蘭州府河洲小積石山也毛晃指南云積石本無異說元和志乃有大積石小積石大積石首受于闐河源小積石在河鄯之間或謂大積石爲導河之始然禹導江不過岷山未嘗遠入西域河源乃深跨羌戎絕迹之地說者流於荒誕不經也萬斯同羣書疑辨云唐置積石

軍今河州境禹之導河始於此過此卽爲西域不必導且  
河不爲患也惟唐張守節正義謂河源出吐谷渾界大積  
石山又東北流至小積石山夫張騫都寔尋河源皆不言  
經大積石張氏果何所據而云然乎蔣廷錫地理今釋云  
積石山在今河州北諸家多以此爲小積石別有大積石  
其寔禹施功卽此積石更無所謂大積石也東樵反駁蔡  
傳小積石之誤至西羌大積石山東樵亦莫能指其山所  
在鑿空驚遠抑又誣矣錐指於和夷底績謂和水卽涐水  
漢志涐水乃涐字之誤當從說文作涐案顏注涐音哉玉  
篇水部廣韻十六咍涐水名非誤字也近段若膺注說文

又改涐字作洩卽涐字紛紛訛改皆杜撰也考鄭君注和  
讀曰桓引地理志桓水出蜀郡蜀山西南行羌中水經注  
桓水出蜀郡岷山西南行羌中入於南海自桓水以南爲  
夷書所謂和夷底績也如氏注漢書云陳留之俗言桓聲  
如和鄭讀和爲桓其說確矣下文因桓是來正義及史記  
索隱俱謂蜀郡之桓水甚是東樵於和夷旣改爲涐水於  
因桓又指爲白水何其勇於改經也雖指疑蔡蒙之蔡爲  
峨眉案漢志蜀郡青衣有禹貢蒙山鄭注蔡蒙在漢嘉縣  
以蔡蒙爲一山僞孔傳以蔡蒙爲二山疏云蔡山不知所  
在蓋本無此山也歐陽忞輿地廣記云蔡山在雅州嚴道

縣葉少蘊以縣東五里周公山當之蔡傳從其說閻潛邱  
謂蔡山不可信是也東樵以爲峨眉鄉壁虛造其說又可  
信乎雖指以荊州之潛爲潛江水漢水分流蘆伏河經潛  
江縣東南入於漢卽古潛水也案鄭於此注云潛則未聞  
象類蔡傳亦謂潛水未有見深得闕如之旨昔程大昌進  
講禹貢孝宗宣諭宰執曰古經斷簡闕疑可也何必強爲  
之說此眞通人之論東樵從傳寅說指爲潛江所謂強爲  
可引以釋經亦明矣雖指於三澨謂當在淯水入漢處一  
在襄城北大隄一在樊城南一在三江口東皆襄陽縣地

在郎縣之北言在竟陵者非是案鄭注謂三澨在江夏竟陵界水經謂在南郡郎縣北沱東樵蓋依水經而增其說也然酈注於三澨已謂論者疑焉不能辨其所在東樵不知闕疑又復強爲之說甚無謂也雖指於導黑水下謂秦置南海郡今水經注脫此文南海距張掖黑水絕遠孫星衍今古文疏謂海卽居延海之屬太康地記云河北得水爲河塞外得水爲海不謂大海也此說近之若如東樵南海之說則今粵海距張掖之黑水燉煌之三危不下萬有餘里東樵亦謂水行徼外莫知其從何處入南海其辭支矣且東樵略例言導水九章唯黑水原委杳無踪跡又強

爲之說何也。雖指於龍門，謂禹貢龍門在雍域，不在冀域，  
專指韓城之龍門。案漢書司馬遷傳，遷生龍門。蘇林曰：禹  
所鑿龍門也。師古曰：龍門山其東則在今秦州龍門縣北，  
其西則在今同州韓城縣北，而河從其中下流通。典同州  
韓城、絳州二縣有龍門山，卽禹所鑿。初學記亦指絳州龍  
門。今絳州龍門山與韓城龍門對峙，龍門一山實兼二處。  
言之而河流其下，東樵知熊耳。一山跨有盧氏上雒之境，  
而不知龍門亦跨兩境，是知其一未知其二也。雖指於大  
伾，謂黎陽山案正義引鄭云：大伾在修武武德之界。張搢  
曰：成皋縣山也。水經禹貢篇：大邳地在河南成皋縣北河。

水注云河水又東逕成皋大伾山下爾雅云山一成謂之伾許慎呂忱並以爲邱一成也今說文作邱再成者蓋後人據僞孔傳妄改非許君之本文也大伾在成皋今開封府汜水縣有成皋故城大伾在縣西北一里薛瓚注漢書始誤疑爲黎陽山顏監注地理志謂大伾在成皋不从薛說溝洫志注引張晏曰成皋縣山復引臣瓚說今黎陽臨河豈是乎顏又兩岐其說隋志及括地志通典並沿薛氏之誤然黎陽石山甚高且大非一成之伾薛氏之誤甚明東樵不取水經反崇俗說不可解也錐指於大別依杜預謂在江夏不在安豐引元和志魯山一名大別山在漢陽

縣東北一百步案漢志六安國安豐自注禹貢大別山在西南水經云大別山在廬江安豐縣西南今安徽潁州府霍邱縣卽安豐地縣西南九十里有大別山一名安陽山是也若東樵所稱魯山水經江水注所云古翼際山也唐人妄以爲大別東樵從之誤矣錐指於終南下謂終南太一爲二山案漢志右扶風武功自注大壹山古文以爲終南孟堅所稱卽孔壁古文說也初學記終南山引五經要義云終南山長安南山也一名太一要義劉向所撰在班氏之前向親校中秘古文與漢志合則知孟堅所據者眞古文書也續郡國志太一山本終南水經渭水注引杜預

曰中南亦曰太白山太一亦名太白山也初學記引秦州  
記福地記皆以終南太一爲一山東樵沿薛綜之誤以爲  
二山非也雖指既以終南太一爲二於愬物下謂垂山爲  
大一皆是愬物案漢志垂山古文以爲愬物垂字誤也水  
經禹貢篇華山爲西嶽在宏農華陰縣西南注古文之愬  
物山也如酈之說則垂山當作華山字形之誤華山與終  
南綿亘相望鳥鼠爲渭水所出華山在渭水南地勢接連  
故曰終南愬物至于鳥鼠東樵以愬物爲太一大謬又不  
知垂山之譌孫星衍疏知垂字之誤然改垂山爲岳山亦  
非也雖指于陪尾下謂泗水縣陪尾山宋毛晃曰博物志

泗出陪尾此自魯國泗水之所出俗呼媯亭山偶名陪尾  
非安陸之陪尾山也漢志江夏郡安陸自注橫尾山古文  
以爲倍尾山鄭康成注水經禹貢篇晉地理志並謂陪尾  
在安陸今湖北德安府安陸縣有橫尾山在縣北六十里  
卽禹貢之陪尾東樵謂泗水之陪尾非也雖指于流沙謂  
正流入居延澤其餘波別入流沙之地案漢志張掖郡居  
延自注居延澤古文以爲流沙水經禹貢篇同元和志謂  
居延海卽居延澤其沙風吹流行故曰流沙東樵泥于餘  
波之文謂禹貢之流沙不在居延背古文而刪新說非解  
經之善者也雖指于雲土夢作久引沈括筆談云石經倒

土夢字唐太宗得古本尙書乃雲土夢作久詔改从古本今考夢溪筆談云舊尙書禹貢云雲夢土作久太宗皇帝時得古本尙書作雲土夢作久詔改禹貢从古本沈括所稱太宗謂宋太宗故稱皇帝所以尊本朝也東樵加唐字大誤又引石經倒土夢字今筆談亦無此語唐開成石經亦係雲土夢作久東樵謂从石經本則傳云澤中有土義甚愜當此石經又不知何據蓋一誤再誤也且東樵謂太宗此一改殊多事然經作雲土夢不始于宋初之改本史記夏本紀水經沔水注皆作雲土夢正義云經之土字在二字之間史文兼上下也疑漢唐傳本如是宋太宗所得

古本當卽東晉古文書所云舊尚書作雲夢蓋馬鄭舊本班志亦作雲夢疑今文書作雲夢也東樵誤謂唐太宗改尚書邵晉涵爾雅正義亦謂唐人改雲土夢作乂則又沿東樵之誤也錐指于導淮志淮水至淮陵入海東樵謂淮陵乃淮陰之訛案淮陵當作淮浦漢志臨淮郡淮浦游水北入河酈注淮水支分爲游水以志後文淮浦入海證之則知前文亦作淮浦入海不作淮陰也水經淮水注又東至廣陵淮浦縣入于海正與漢志合淮浦故城在今淮安府安東縣西東樵謂淮陰之訛非也錐指于碣石下謂後漢志禹貢正義並引張氏地理記張氏不知其名疑

爲張揖案爾雅釋鳥鳥鼠同穴郭注引張氏地理記云不  
爲牝牡水經禹貢篇注稱張晏言不相爲牝牡則張氏卽  
張晏也晏注漢書音釋小顏注引之東樵疑爲張揖亦非  
也雖指略例自謂表章酈注不遺餘力然援引經注躊躇駁  
實多沇水下引水經濟水又東至北礫溪南東出過滎陽  
北東樵云北礫溪未詳案溝洫志顏注引水經沛水東過  
礫溪本無北字後人妄加而東樵不能辨也又引濟水逕  
滎陽縣北又東南礫石溪水注之東樵云石字衍上有北  
礫溪故此爲南礫溪案酈注云世謂之礫石澗則石字非  
衍明矣經言礫溪皆于滎陽明是一水東樵誤爲二水豈

經有兩滎陽縣乎甚矣其誤也東樵駁蔡傳河徙硤礮之失謂蔡本漢志注今礮溪口誤以今爲令又誤加石作硤使人噴飯此說誠是然東樵于礮溪誤衍石字又誤從俗本加南北二字又造爲南礮溪北礮溪以實之東樵笑九峯恐後人之復笑東樵也又水經河水篇東過隴西河關縣北洮水從東南來流注之東樵于導河下引此文據注改洮水爲澆水不知下云河水又東洮水注之此八字亦注文俗刻本混爲經東樵因誤分爲二條此大惑也說文水部洮水出隴西臨洮東北入河班志洮水出隴西臨洮皆與水經洮水合卽今甘肅洮州廳南之洮水東樵經注

淆亂臆改爲澆失之矣又水經濁漳水云漳水又東凍水  
注之許慎云水出發鳩山入漳从水東聲東樵于洚水引  
此文誤以凍水爲陳水案說文凍水出發鳩山入河玉篇  
水部凍又水名廣韻一東凍水出發鳩山入于河俗刻偏  
旁訛錯誤凍爲陳東樵不知是正直引爲陳水其謬甚矣  
又水經河水過東廬縣維水自房陵縣維山東流東樵過  
三灘下引此文兩維字並誤作淮案續漢郡國志房陵注  
引巴漢志有維山維水所出淮字之誤明矣其他字句之  
誤錐指太原下引汾水又南逕汾陽故城東脫又南逕秀  
容城東七字又南與瀛水合南誤作東又西逕王澤誤作

王橋桓衛下引濺水安熹縣誤作安喜浮汝下引汶水南逕剛縣誤作岡孟津下引河水又東過平縣北湛水從北來注之平縣誤作平陰北播九河下引漳水九絳誤作九爭滄浪水下注引污水東逕猴徑灘誤作猴經又東得魚脯谷口誤作溪口導江下引江水逕漢安縣誤作安漢逕赤岬城誤脫城沈水下引濟水過墳城西誤作墳城又東北濁水入焉誤作出焉導淮下引淮水安風津誤作安豐泄水誤作洪水又依俗增左合椒水四字導洛下鳴渠關鳴渠山鳴渠水竝誤作陽渠東與厭染之水合誤作厭梁東樵自謂善長知已而其引用疏舛如此其失大矣竊謂

錐指一書採摭極博而沿譌踵謬雜廁其間且其說多意  
必之辭近似之理不能信好古學此其所蔽也余爲此辨  
匪敢指斥前人有心媒蘖意在摘其所短著其所長箴闕  
規過抑亦古人之義且使後之讀禹貢者知所取正則是  
說也卽以爲東樵之功臣可也

道光丁亥冬山陽丁晏記

男壽譏  
恒校字